

Iu sugnu accusì

Chi cci pozzu fari
si m'innamuravu di tia,
forsi cci pinzavu troppu tardu
però pozzu ancòra ricupirari
pensu ca pi l'amuri chiddu veru
nun nnè ma tardu pirchè è sinceru.

Iu sugnu accusì,
nun pozzu canciàri
staiu nfuddennu pi tia,
nni la vita è simpatìa,
mi nn'addugnu ca sempri ti penzu
e capivu puru ca mi niscì lu senzù.

Nta lu sonnu spissu ti vidu
mbiancu e neru, però, la sciarpa
chi ti cummoglia a malappena ddu
beddu pettu pruspirusu è di sita russa.
Pari ca chi mi chiama, m'arridi, mi talìa
sentu ddu prufumu di rosi ca m'ammalia.

Avi decimila anni ca ti sonnu
ormai t'haiu vistu ntutti li manèri
penzu ca ora fussi lu mumentu
di viditi ncarni e ossa senza vistimentu,
pi vasàriti nni la rialtà, accarizzàriti veru
accussì mi livassi stu forti pinzeru.

Nun sacciu cchiù comu ti l'addiri
ti l'haiu dittu cantannu e sunannu
ora ti lu pozzu diri sulu gridannu.
TI AMU, TI AMU, TI AMU,
eccu ora lu ntisi tuttu lu munnu
veni ccà e nun mi girari ntunnu.

Si t'arriva sta poesia a l'aricchi
è lu me cori chi ti chiama e ti scrivi,
nun lassallu sulu, facci cumpagnia
pirchè batti forti sulamenti pi tia.
Lu me amuri iu ti vogliu rigalari
la to vuccuzza iu vogliu vasari.

Iu sugnu accusì chi cci pozzu fari
ti vogliu beni chiossà di lu mari.